

Mokanda ηwaakomaka Yuda Maphoo ma etatele

Moto owa koma mokanda mumu ali Moyuda, pho molimbolesi nwe ηwa maphoo ma sangola eekasi mofengye bateye ba Mifeko ba Bayunda (Etee ya 6-7).

Mokanda mumu moingole banosi miyo pho bakyebe na bato baatati itokolo mateya ma boole, na ibenga mobesi ηwa soo. Esengyesi obokye bakyele mandondo ma bee nde o bolaa boziya bee (Etee ya 20-21).

Maphoo mali o mokanda mumu me mama:

- Etee ya 1-2: Maphoo ma etatele
- Etee ya 3-16: Mobesi, mateya na suka ya bateye ba boole
- Etee ya 17-23: Mateya pho ya iphila nde ianola
- Etee ya 24-25: Kaa ya Nwaphongo

Ibeya

¹ Nga Yuda, moombo ηwa Yesu Klisto, ηwana nyango na Zake, naekomele bee bato baso baabanga be, baazinga Tata Nwaphongo na babanza bee pho ya Yesu Klisto. ² Nwaphongo aeyokye ngongoo, aephε bose na lozingo loikye.

Bateye ba boole

³ Bande na nga, nazingaka na boikye iyekomela mokanda pho ya lowo la lobiko

lookyeki banga baso. Naweni obokye nasengyesi ilokyela pho ya iyelenza obokye onwane ebasi ya ianola saphē Nwaphongo bato bēē pho ya bobele. ⁴ Pho bato basu baabe banyosi onte ya bēē, baoto ngolu ya Nwaphongo wa banga na ikyela bondumba bambe na angana Moteye nde monomo wa banga Nkolo Yesu Klisto. Bēē babana baunva batangyela etumbu bo kowo buku pha Nwaphongo.

⁵ Na bokoebe bēē maphoo maso mamana phanza, obokye Nkolo, waunva yo ibikya bato bēē o mokyisi nwa Ezipito, amba ya boma sima batebaikaka moanola. ⁶ Ebe na banze batebaikaka ikala o etesi ya bēē na balokye elele ekyebe be, aabomba na maphanga o enzombi pho ya iziya mokolo munene nwa mosambisa yo mokyisi. ⁷ Kula umunya na pho ya Sodomo na Gomola na nkyisi inene ya mambale, yamiambyaka o maphoo ndengye yonyo ma bondumba na ilalinya babasi na babasi naa bampele na bampele, na bēē bakyimele ndokolo ndakyisa o etumbu ya nwenya motemozime.

⁸ Eli nde ndengye yonyo na bateye baabole babana, na nwa nwa bēē baoti nzoto ya be, batiyole bokonzi pha Nkolo, batole banze ba nkyemo. ⁹ Nzuka ebe na Mikayele, mokonzi nwa banze, waba yo na Zabulu bawele nzoto ya Mose, taika motola, kasi awo nde obokye: «Nkolo aephe etumbu!» ¹⁰ Kasi bato babana batole maphoo mate maasolo be. Bali ndokolo manyama mazanga malondo, basosolo nde maphoo maabungya. ¹¹ Ngongo ya be,

pho babengyi nzela ya Kaina. Pho ya iphuti, bamile o mabunga ma Balama, baunva naotono pho batombi ndokolo Kole. ¹² Eli bée bato baoto ntoma ikyi ze bée o ifota, imbele sian-gane bée na bée na soo phe walunde bée ntoma. Bali ndokolo mampata maatemanye mbula maukye ewele. Bali ndokolo nzete itibote mbuma na bo imbele me sikokyi, baiphikola, ya waa mbala ifale. ¹³ Bali ndokolo kanda eenene, batokolo maphoo ma soo ndokolo kanda kyephambe luulu. Bali ndokolo banyaseesi baakye miengyebana, bamobomba bée o elele ya enzombi ekusi pho ya bobele.

¹⁴ Nde pho ya bée me, moimosi Enoka, nkoko owa sambo tata oka Adama, awoko yokye: «Kyeka Nkolo kaye yo na moluku nwa banze bée basantu ¹⁵ pho ya isambisa mokyisi na iweninya bato babe bofe pha bée na maloba mabe mamowole be.»

¹⁶ Eli nde be! Bato baamiime na bakyemimilela, babengye nde maphowa ma be, noko ya bée kytokolo maphoo manene, bakyele molete na bato pho babakabele.

Maloba maikuya

¹⁷ Bande na nga, pho ya bée, umunya maloba maewolekye batoma ba Nkolo wa banga Yesu Klisto phanza. ¹⁸ Bawoko na bée bobo: «O imbele saa suka, basemosi baabengye nde maphowa ma bée maabe bamoya.» ¹⁹ Eli nde be! Baaya kabola bato, bali na maumunya ma mokyisi, tebali na Bolobo. ²⁰ Kasi bée, bebi na nga, omiteye nde o ikolo sa ianola sa bée

sisantu, onga na Nwaphongo onte ya Bolobɔ. ²¹ Phila lozingo la Nwaphongo, bootaba bɛɛ iziya obokye Nkolo wa banga Yesu Klisto na ngɔngɔ yɛ aephɛ bomɔɔ pha bobɛɛ. ²² Bato baataaba na ziko obaokyele ngɔngɔ, ²³ obabikya, obatoɔɔɔ o ηwenya. Pho ya baayɔɔ, obaokyele ngɔngɔ. Kasi nde kokyebe na bɛ, saphila na bo munkoto phɔ ηwaunva ɔtɔɔ na maphɔɔ ma bɛɛ ma sɔkɔɔ.

Ipambosi

²⁴ Nwaphongo ali na mwiya ηwa iyebanza phɔ bɛɛ sakaa na obokye bɛɛ sabaa na bobɛ nɔɔ bɔɔɔ. Eli nde yo moto okokyi iyekomya oka yɛ o kyemɔ yɛ, phɔ omowɛɛ ombe baa na nkyisa nzikye. ²⁵ Ali Nwaphongo nde yo mɔɔɔ na Mobikye wa banga o nzela ya Nkolo wa banga Yesu Klisto. Lɛ obokye nkyemɔ, bonɛɛ, mwiya na bokonzi ibe nɛ uta o etatele, uηwanηwa eye na phɔ ya bobɛɛ na bobɛɛ. Amɛ.

Sangola Eenyakune

Lobala: Sangola Eenyakune New Testament

copyright © 2018 Wycliffe Bible Translators, Inc.

Language: (Lobala)

Contributor: Wycliffe Bible Translators, Inc.

All rights reserved.

2020-11-18

PDF generated using Haiola and XeLaTeX on 21 Feb 2024 from source files dated 29 Jan 2022

45dc5a8e-f513-5ba3-aad6-e48bd1d5b563